

# ACTIVIDADES ESCOLARES 2024/2025 DA REDE MUSEÍSTICA PROVINCIAL DE LUGO

#territorio #patrimonio #comunidade



# PROGRAMA E FILOSOFÍA DA INVESTIGACIÓN EDUCATIVA DA REDE

## TERRITORIO, PATRIMONIO E COMUNIDADE: DUNHA EDUCACIÓN NO MUSEO A UN MUSEO EDUCADOR.

Desde a Rede Museística Provincial de Lugo poñemos a disposición dos centros educativos o PROGRAMA DE ACTIVIDADES ESCOLARES PARA O CURSO 2024-2025 que está baseado na innovación educativa. A programación inclúe visitas e actividades presenciais e en liña dirixidas á comunidade educativa de infantil, primaria e secundaria.

Con esta planificación didáctica buscamos o diálogo entre profesorado, alumnado e educadoras/es co obxectivo de tramar novos vínculos que investiguen e relacionen as coleccións e espazos do museo coa vida.

A oferta de actividades presenta os seguintes bloques:

- › Recuperación de historias esquecidas
- › Fomento da igualdade
- › Dereitos culturais
- › Migración

Utilizando a educación como vehículo de cambio social pretendemos quitar muros e abrir mentes.

**Que pasa? Que podemos facer? Fagámolo!**

## OBXECTIVOS

- › Explorar, coñecer e transmitir saberes fomentando a aprendizaxe integral.
- › Impulsar o pensamento crítico e a investigación.
- › Criar e fincar o sentimento de orgullo do propio e a pertenza a un territorio e/ou comunidade a partir da súa comprensión e dos valores que o constitúen
- › Habilitar canles de comunicación entre a comunidade educativa e os museos para facer do territorio un mapa de aprendizaxe e coñecemento común.
- › Dinamizar o coñecemento desde a acción e a cooperación directa coas persoas que habitan o territorio e cos axentes sociais e educativos (ser e facerse, construíndonos unhas con outras)
- › Experimentar o territorio, transcender os límites do museo e da escola, pisar o terreo, escoitar á comunidade e recoller os seus testemuños como pezas dunha historia común.
- › Facilitar un desenvolvemento persoal e social equilibrados onde o medio e a persoa van parellos.
- › Promover unha educación pausada, reflexiva, facendo camiño a ritmo, inclusiva, igualitaria e sostible.

# EDUCACIÓN SECUNDARIA E BACH: TERCEIRO TRIMESTRE NO MUSEO PROVINCIAL DO MAR

ACTIVIDADES ESCOLARES  
CURSO 2024/2025 DA RMPL





**Concertacións e consultas:**  
982 594 572  
museodomar@museolugo.org

## ACTIVIDADES ESCOLARES DE ABRIL A XUÑO 2025 NO MUSEO PROVINCIAL DO MAR

### **AVENTURA E DIVERSIÓN DO TEU CADERNO DE VIAXE POLA REDE**

Visítade un, ou varios, dos museos da RMPL e elaborade o voso caderno de viaxe ao museo: recompilade recordos, anécdotas, experiencias, persoas... Require tomar notas durante a visita para levalo a un caderno de campo na aula.

> Duración estimada: 90 minutos

### **MUSEO DA MIGRACIÓN DA RMPL**

Hoxe, o noso país recibe inmigrantes que chegan coas mesmas ganas e esperanzas das/os que marcharon hai anos ou marchan agora. Con esta actividade cada alumno/a investigará sobre o tema a través do museo e da súa contorna. Traballaremos conceptos como exilio, colonialismo, migración, diversidade, desigualdades, conflitos... fomentando a igualdade e eliminando muros colaborando na creación do Museo da migración da RMPL.

> Proxecto para traballar ao longo de todo o curso (unha visita por trimestre)

### **CAIXAS DE APRENDIZAXE**

De forma integral traballamos diversos contidos sobre patrimonio, territorio e comunidade. Cambiamos a perspectiva da educación no museo ao museo educador a través de investigación educativa. As caixas contan con recursos que proporcionamos ao profesorado como ferramenta pedagóxica flexible, multidisciplinar e transversal para traballar a educación en valores a través das coleccións dos museos.

1. A arte de marear: a primeira grande globalización
2. De baleas, peixes e outros seres... (sostibilidade do medio mariño)

> Para o segundo e terceiro trimestre: dúas visitas ao museo e traballo previo na aula



**Concertacións e consultas:**  
982 594 572  
[museodomar@museolugo.org](mailto:museodomar@museolugo.org)

## **ACTIVIDADES ESCOLARES DE ABRIL A XUÑO 2025 NO MUSEO PROVINCIAL DO MAR**

### **PROXECTO EUROPEO "PROBA CONCEPTO: ENSINANZA DA HISTORIA E DIFUSIÓN DO PATRIMONIO CULTURAL".**

11 actividades en liña de situacións de aprendizaxe para o cumprimento de dereitos culturais a través de coleccións de 14 museos. Unha vez feitas as actividades de xeito virtual, o alumnado poderá complementar os ODS con visitas presenciais ao museo da RMPL.

- > Dirixido a 4º da ESO e BACHARELATO
- > Require rexistro gratis en [caleidoscopio.cloud](https://caleidoscopio.cloud) e concertación da visita

### **SITUACIÓNS DE APRENDIZAXE:**

1. Fame, guerra e peste.
2. Violencia machista
3. A muller e o traballo (1ª parte: empregos feminizados)
4. A muller e o traballo (2ª parte: empregos masculinizados)
5. A diversidade funcional
6. Historias de migracións
7. Orientacións sexuais e identidades de xénero.
8. Xogarse a vida no traballo
9. España democrática
10. A explotación económica
11. Minorías sociais na Historia de España



**Concertacións e consultas:**  
982 594 572  
museodomar@museolugo.org

## ACTIVIDADES ESCOLARES DE ABRIL A XUÑO 2025 EN LIÑA NO MUSEO PROVINCIAL DO MAR

### ESCAPE ROOMS: XOGA EN REDE

Achega ao alumnado, primeiro en liña, e a continuación cunha visita presencial ás coleccións dos museos de forma física e multisensorial. Empregade a lóxica, coñecementos e enxeño para resolver as probas que vos propoñemos

Aventuras para escoller:

1. Obxectivos de Desenvolvemento Sostible (ODS). Coidaredes dun planeta Terra, que se atopa enfermo, con 17 remedios convertidos en misións relacionadas con cada un dos 17 ODS.
2. Crea o teu museo. Acompañaredes a un cadro que acaba de chegar ao Museo para axudarlle a coñecer que é un museo, que tipos de museos existen, quen traballa neles e que coleccións podemos atopar expostas.
3. A Idade Media na Rede Museística Provincial de Lugo. Viaxaredes ata o mundo medieval para coñecer a vida e sociedade deste período histórico grazas a catro personaxes.
4. Museo do Mar. Navegaredes polo patrimonio do Museo Provincial do Mar mentres tentades salvar á balea Cipriana.



# VISITAS ESCOLARES 2024/2025

# A REDE MUSEÍSTICA PROVINCIAL DE LUGO



## VISITAS ESCOLARES

**A RMPL, UNHA REDE DE MUSEOS EDUCADORES  
E XERADORES DE CAMBIO SOCIAL, TEN  
SEMPRE AS PORTAS ABERTAS!**

- › Duración estimada da visita: 45 minutos
- › Pode facerse presencial ou telemática con acompañamento de persoal dos departamentos de didáctica
- › Posibilidade de adaptación a outras temáticas non previstas, sempre e cando estean en relación coas coleccións expostas.

**CONCERTA A VOSA CITA NO MUSEO  
PROVINCIAL DO MAR!**

- › 982 594 572
- › [museodomar@museolugo.org](mailto:museodomar@museolugo.org)
- › Avenida da Mariña, 27890 San Cibrao, Lugo



REDE MUSEÍSTICA  
PROVINCIAL DE LUGO

MUSEO PROVINCIAL DO MAR